

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 2080 del 11/09/2020**

**Traduzione in ladino**

## **Covid, sistemas contra l'empestantament amàncol enscin ai 7 de otober**

**Mèsces de protezion che ge vel tegnir sù ence defora ti lesc olache podessa se binèr jent, distanziament sozièl e uties e bivaches sa mont orii per duc chi che vel.**

**L'é stat renovà enscin ai 7 de otober la mesures contra l'empestantament jà pervedudes tel Trentin dal president de la Provinzia. Chest l'é stat stabìl co l'ordenanza sotscrita dal capo esecutivo, dò che l'é stat tout sù l nef decret del president del Consei di ministres.**

**Estra apede, l despojitif l ge vò al nef sistem nazonèl che fèsc referiment a la persones che rua te la Tèlia da la Croazia, Grecia, Malta e Spagna: no l'é più de obligh fèr l tampon per chi che viaja te la Tèlia opuramenter se i resta per manco che 120 ores.**

L president l'à metù dant coche la situazion epidemiologica de anchecondi la comporte l besegn de endrezèr sistemas de stravardament contra l'empestantament, sperlongian donca la percacenza de la despojzions metudes en esser con scomenz da la metà de messèl. Tel Trentin resta donca l'obligh de tegnir sù la mèscra de protezion ti lesc daite, olache pel ite jent e te duta la ocasions canche no l'é possibol stèr da lonc dai etres amàncol n meter ence defora e soraldut tel trat de temp da les sie da sera a les sie da doman. Resta en दौरa ence documenc, protooi e endrec de sort organisatif e sanitèr per meter en esser la ativitèdes economiches, produtives, de delet e sozièles. Co l'ordenanza dai 8 de setember vegn renovà tinùltima ence l'obligh de tegnir serà la discoteches e descomanà de balèr ence ti bares e restoranc olache vegn sonà dal vif.

Traduzion di Servijes Linguistics e Culturèl del Comun general de Fascia

(Traduzione a cura dei Servizi Linguistici e culturali del Comun general de Fascia)

<https://www.ufficiostampa.provincia.tn.it/content/view/full/175490>

(cdt)